



Tē 19 kî 2007.01.20

2000 nî 5 góeh 20 chhòng-khan

Chóng-pian-chip  
Pian-chip kûn  
Publisher

*Tē<sup>n</sup> Si-chong*  
*Koa Khá-lē, Tân Hong-hūi*  
*Ko-hiông Tâi-gí Lô-má-jī Gián-síp-hōe*

## Sin Hiàn-hoat Su-iàu To-chióng Gí-bûn

Hōe-tiú<sup>n</sup> Babuza Chû

Tâi-ôan su-iàu chè-tēng chit-phō hiàn-hoat, put-kóan sī Chóng-thóng-chè á-sī Lōe-koh-chè, hō tāi-ke thang chò héng-chèng ê kin-kì. Án-ne chiah bē lōan-chhau-chhau. Kòe-khì chit 5 nî kám-kak Tâi-ôan ná-chhiū<sup>n</sup> bō chèng-hú! Chèng-bū lóng pháng bē tín-tāng!

Tùi lán chò TGB ê lâng lâi kóng, sím-mih khóan ê hiàn-hoat chiah-sī lí-sióng? Lán jīn-ûi siōng-chiό siá hiàn-hoat pún-sin ê bûn-jī ài pau-hâm ē-bīn kúi-chióng: Tâi-ôan pún-thór gí-bûn (Gôan-chū-bîn gí-giân siōng-chiό sóan 1 chióng, Kheh-ka-ōe kap Tâi-gí), Tiong-gí, Eng-gí kap Jit-gí.

Sī siá<sup>n</sup>-tāi beh iōng chiah chē gí-bûn lâi siá? Tē-it, piáu-sī siōng ki-pún ê chun-tiōng. Kā sè-kài soan-pò Tâi-ôan sī to gí-bûn ê pang-kok. Tē-jī, beh tát-tiōh cheng-bit ê bōk-tek. Iōng to gí-bûn siá su-iàu chin láu-tâu ê gí-bûn lêng-lék kap chheng-chhó ê su-khó thâu-náu. Án-ne ē-tàng pó-niá hiàn-hoat pún-sin ū kàu cheng-bit, chiu-chì kap bûn-bêng. Tē-sa<sup>n</sup>, chò gí-giân bûn-jī-hòa, piau-chún-hòa kap hiān-tâi-hòa ê hóe-chhia-bó. Nā-sī chit-ê gí-giân ū hoat-tō siá hiàn-hoat, koh ū sím-mih tāi-chì kap bûn-chiu<sup>n</sup> bē-tàng siá? Kok-ūi hó pêng-iú, Tâi-ôan sin hiàn-hoat beh chhut-sì--lah. Pài-thok tāi-ke kín lâi TSK(tàu-sa<sup>n</sup>-kāng)!